

ՌՈՒՂԱՐԱՀԱՅԵՐԻ ՄԱՍՆԱԿՑՈՒԹՅՈՒՆԸ ԲՈՒՂԱՐ ԺՈՂՈՎՐԴԻ ԴԻՄԱԴՐԱԿԱՆ
ՇԱՐԺՄԱՆԸ ԵՎ ՖԱՇԻՍՏԱԿԱՆ ԳԵՐՄԱՆԻԱՅԻ ԴԵՄ ՄՂՎԱԾ
ՊԱՏԵՐԱԶՄԻՆ (1939—1945 թթ.)

Ձ. Մ. ՂԱՍԱՐՅԱՆ

Ժողովուրդների, այդ թվում հայ ժողովրդի, պատմության էջերում բա-
ղում պատերազմների ու ճակատամարտերի տարեթվեր են նշված: 1945 թ.
մայիսի 9-ը նշված է որպես ամենաժանր և ամենադաժան պատերազմի
ավարտի տարեթիվ: Այդ պատերազմը նշանավորվեց դաշնակից երկրների՝
ԱՄՆ-ի, Անգլիայի, Ֆրանսիայի և առաջին հերթին հերթին հորհրդային Միության
ժողովուրդների հերոսական մարտերով ու հաղթանակով:

Ուռ, ուկրաինացի, բելոռուս, մեծ և փոքր այլ ազգերի կողքին, այդ հաղ-
թանակում իր արժանի լուծան ներդրեց հայ ժողովուրդը՝ բազում զոհերով
ու հերոսներով:

Ավելի քան 500 հազար հայորդիներ մասնակցեցին Երկրորդ աշխարհա-
մարտին: 20 հազար հայեր մարտնչում էին ԱՄՆ-ի բանակներում, 12 հազա-
ր՝ հիտլերյան հորդանների դեմ, ֆրանսիական բանակի շարքերում և դիմադ-
րական պայքարում, 1200-ը՝ հունական բանակում, ընդդեմ հիտլերյան և
մուսոլինյան զավթիչների: Հայերը իրանում և Մերձավոր արևելքում նյութա-
կան շոշափելի օգնություն ցույց տվեցին դաշնակից երկրներին, մասնավոր-
ապես իսկ Միությանը, ստեղծեցին «Սասունցի Դավիթ», «Վարդան Մամի-
կոնյան», «Գեներալ Բաղրամյան» տանկային շարասյուները: Նրանք նյու-
թական այլ միջոցներ և ռազմամթերք էին մատակարարում խորհրդային բա-
նակին:

1000-ից ավել բուլղարահայեր գործուն մասնակցություն ցուցաբերեցին
բուլղարական հակաֆաշիստական պայքարում և Հայրենական պատերազմում
Հարավսլավիայի, Հունգարիայի և Ավստրիայի ազատագրման մարտերում՝
մարշալ Տոլբուխինի ու գեներալ Ստոյչևի հրամանատարության ներքո երրորդ
Ուկրաինական ռազմաճակատում: Հազարավոր բուլղարահայեր նյութապես և
բարոյապես օժանդակում էին բազմաթիվ հայ զորիներին և վիրավորներին:

Անջնջելի տառերով են գրված եվրոպական հակաֆաշիստական, դիմադ-
րական շարժման պատմության էջերում Միսաք Մանուշյանի, Վահրամ Սա-
հակյանի (Ֆրանսիա), Անդրանիկ Ղուկասյանի (Հունաստան), Հերմինե
Ռադգրադյանի (Սաշկա), Կարապետ Խաչատրյանի, Հարություն Պողոսյանի,
Հակոբ Պարոնյանի անունները (Բուլղարիա):

Երկրորդ աշխարհամարտի նախօրեին եվրոպական ցամաքամասում հան-
գորվանել էին ավելի քան 200 հազար հայ տարագիրներ, որոնք վերապրել
էին 1915 թ. Մեծ եղեռնը Թուրքիայում: Հալածված ու քեմալական սվիններից
մազապուրծ եղած 50 հազարից ավելի տարագիրներ ապաստանել էին բուլ-
ղար եղբայրական ժողովրդի հողի վրա: Ունեցվածքից և նյութական միջոցնե-
րից զրկված տարագիր հայերը, Եվրոպայում հանգրվանելով, ապրում էին
սովյալ երկրի սոցիալ-տնտեսական ու քաղաքական ելեջների պայմաններում:

Ֆրանսիայում, Հունաստանում, Ռումինիայում, Բուլղարիայում և այլուր
հայ տարագիրները, աշխատավորական զանգվածների շարքերում գործուն
մասնակցություն էին ցուցաբերում սոցիալ-տնտեսական պայմանների բա-
րելավման պայքարում: Նրանք անտարբեր շմանցին նաև քաղաքական հար-
ցերում, հատկապես պատերազմը հրահրողների և նրանց համակիրների դեմ
տարվող պայքարում: Վերապրելով Առաջին աշխարհամարտի արհավիրքնե-
րը՝ նրանք խաղաղ պայմաններում Մայր Հայրենիք վերադառնալու հույսեր

էին փայփայում: Երբ պայթեց Երկրորդ համաշխարհային պատերազմը (1939 թ. սեպտեմբերի 1-ին), և 1941 թ. հունիսի 22-ին ֆաշիստական Գերմանիան հարձակվեց Խորհրդային Միության վրա, հայկական սփյուռքի եվրոպական հատվածը իր ամբողջությամբ կանգնեց հակաֆաշիստական դիմադրական պայքարի կողքին՝ մասնակցելով հակահիտլերյան դիմադրական շարժման բոլոր ձևերին: Նրանք քաջ գիտակցում էին, որ այդ պայքարը ամենանվիրական գործն է Մայր Հայրենիքի պաշտպանության և գոյատևման համար:

1924—1939 թթ. Բուլղարիայի Սոֆիա, Պլովդիվ, Ռուսե, Վառնա, Բուրգաս, Յամբոլ, Սլիվեն և այլ քաղաքների գործարաններում և ֆաբրիկաներում բազմաթիվ հայ բանվոր-բանվորուհիներ ընդգրկվել էին ինչպես հայ հասարակական ու քաղաքական կազմակերպությունների, այնպես էլ զանազան արհեստակցական միությունների և բանվորական կուսակցությունների շարքերը: Տվյալ ժամանակաշրջանում բուլղարահայ համայնքը հայապահպան վառ օջախներից մեկն էր իր բազմաթիվ հասարակական-քաղաքական կազմակերպություններով, դպրոց-վարժարաններով, ակումբներով ու գրադարաններով: Համայնքն ուներ իր ներքին ղեկավարման մարմինները (թեմական և թաղական խորհուրդներ, առաջնորդարան՝ թեմի առաջնորդով, դպրոցական հոգաբարձություններ): Սակայն երկրի քաղաքական յուրահատուկ իրադրության մեջ սրվում էին հակասությունները գաղութի հայ քաղաքական կուսակցությունների միջև: Պայքարը հիմնականում ընթանում էր երկու խմբավորումների՝ հայաստանյան և հակահայաստանյան, այսինքն, Խորհրդային Հայաստանի կողմնակիցների և հակառակորդների միջև: Հայաստանի կողմնակիցները 1936 թ. աշխատավորական լայն զանգվածների հետ միասին հիմնել էին «Միասնական ճակատ» կազմակերպությունը՝ ՍԴ հնչակյանների, ռամկավարների և հայ կոմունիստների գլխավորությամբ: Հակախորհրդային ճակատը հիմնականում գլխավորում էր ՀՀ դաշնակցության կուսակցությունը, որը, մշտապես օգտվելով բուլղարական իշխանությունների օժանդակությունից, վարում էր բացահայտ հակակոմունիստական-հակաբոլշևիկյան քաղաքականություն և պայքարում էր «Միասնական ճակատի» դեմ:

Տվյալ ժամանակաշրջանում որոշ հայ բանվորական, ուսանող-դպրոցական խմբակներ, ծառայողներ, ազատ զբաղմունքի տեր անհատներ և արհեստավորներ գործում էին ընդհատակյա Բուլղարական բանվորական կուսակցության (ԲԲԿ) և Բանվորական երիտասարդական միության (ՄԵԿ) շարքերում: Նրանք հիմնել էին իրենց խմբակները հայաշատ քաղաքներում և գործում էին հայ լեզվի հասարակական-մշակութային միություններում, կազմակերպություններում ու թաղամասերում (ՀՕԿ, ՀՄԸՄ, Արծիվ, Շանթ, Արարատ, սկսուտա-մարզական և զբոսաշրջիկային միություններ): Նրանք մասնակցում էին հիմնարկ-ձեռնարկություններում կազմակերպվող միջոցառումներին, ցույցերին, գործադուլներին, գործազուրկների և չբավոր ընտանիքների համար դրամական միջոցներ հավաքելու աշխատանքներին և այլն: Հակաֆաշիստական երիտասարդական խմբակները և կոմունիստները գործում էին նաև հայ համայնքին հուզող հարցերի լուծման ուղղությամբ, այն է՝ նանսենյան քաղաքացիություն ունեցող բանվորների աշխատանքի տեղավորման, բուլղարական քաղաքացիություն ստանալու, սպորտային և մշակութային կազմակերպությունների օրինականացման և այլ հարցեր:

Գործարաններում, հիմնարկ-ձեռնարկություններում հայ հակաֆաշիստները պայքարում էին բուլղարացիների հետ, սակայն առանձին խմբակներ գործում էին նաև քաղաքների հայկական թաղամասերում: Ուստի անհրա-

1 1923 թ. Բուլղարիայում սեպտեմբերյան ապստամբության պարտությունից հետո Բուլղարական բանվորական կուսակցությունը և Բանվորական երիտասարդական միությունը մինչև Երկրորդ համաշխարհային պատերազմը իշխանությունների կողմից հայտարարված էին օրենքից դուրս և գործում էին ընդհատակում:

ժեշտություն էր զգացվում ունենալ հայերեն թերթ, որը դառնալու էր գրավոր քարոզչության միջոց: 1932 թ. լույս տեսավ «Հայ բանվոր» թերթի ընդամենը մեկ համար՝ Մանուկ Կարազյուզյանի խմբագրությամբ: Խմբագրության անդամներն էին Սարգիս Հալճյանը և Բորոս Օհանյանը²: Բուլղարական իշխանությունները անհապաղ արգելեցին նրա հրատարակումը:

Բուլղարիայում 1936 թ. տապալվեց «Ռազմական լիգայի» կառավարությունը, այն փոխարինվեց Կյոսեիվանովի կառավարությամբ, որն արտաքին քաղաքականության բնագավառում շրջադարձ կատարեց դեպի ֆաշիստական Կերմանիան: Թեև այդ կառավարությունը հորհրդային Միության հետ հաստատել էր դիվանագիտական հարաբերություններ, սակայն 1938 թ. Բուլղարական ժողովրդական ժողովից հեռացրեց ձախակողմյան պատգամավորներին, առաջին հերթին՝ հակաֆաշիստներին և կոմունիստներին: Այդ կառավարությունը 1937 թ. վերջին արգելեց 204-ի գործունեությունը բուլղարահայ համայնքում և այն լուծարելուց հետո բռնագրավեց նրա ամբողջ ունեցվածքը:

1940 թ. Պլովդիվում, Սոֆիայում, Ռուսեում, Վառնայում, Բուրղասում, Յամբուլում, Սլիվենում և այլ քաղաքներում գործում էին բազմաթիվ հակաֆաշիստական խմբակներ՝ ԲԿԿ-ի և ԲԽՄ-ի գլխավորությամբ և ղեկավարությունով:

Այդ խմբակների անդամները մասնակցում էին պատերազմը նախաձեռնողներին և ֆաշիզմի դեմ պայքարին: Նրանք քարոզչական լայն աշխատանք էին տանում Երկրորդ համաշխարհային պատերազմի բեկումնի ու ընթացքի վերաբերյալ: Նրանք դարձան 1940 թ. Բուլղարիայում կազմակերպված, այսպես կոչված «Սորոլեյան» ակցիայի մասնակիցը, որն ուղղված էր ռուսերի կառավարության՝ հորհրդային Միության հետ համագործակցության և փոխադարձ օգնության պայմանագիր կնքելու պահանջով:

1941 թ. մարտի 1-ին, ժողովրդի կամքին հակառակ, բուլղարական կառավարությունը Բ. Ֆիլովի գլխավորությամբ Վիեննայում ստորագրեց համաձայնագիր, որով Բուլղարիան դառնում էր հիտլերականների ռազմական մերձնալի կցորդը³:

1941 թ. մարտի 1-ին զերմանաֆաշիստական զորքերը մտան Բուլղարիա: Երկրի փաստական ղեկավարությունն անցավ գերմանացիների ձեռքը, որի առաջին միջոցառումներից մեկը ժողովրդի առանց այն էլ խղճուկ դեմոկրատական իրավունքների վերացումը և քաղաքական կազմակերպությունների արգելումն էր: Բուլղար ժողովրդի, այդ թվում և հայ համայնքի հակաֆաշիստական խմբակների համար սկսվեց օտար տիրակալի և նրա կամակատարների դեմ համառ պայքարի շրջան:

Պատերազմի տարիներին, շնայած ֆաշիստական իշխանությունների բռնություններին, բուլղարահայ աշխատավորության համակրանքը խորհրդային, այդ թվում հայ ժողովրդի հերոսական պայքարի կողմն էր, քանզի հորհրդային Միության պարտությունը հայ ժողովրդի համար կենաց և մահու հարց էր. թուրքական մեծաթիվ բանակը կանգնած էր Հայաստանի սահմանի վրա և սպասում էր ԽՍՀՄ-ի պարտությանը, որպեսզի խուժի Անդրկովկաս և իրականացնի իր հայաշինջ քաղաքականությունը:

1941 թ. վերջից Բուլղարիայում լայն ծավալ ստացավ պարտիզանական շարժումը: Ուժեղացել և նոր թափ էր առել դեմոկրատական պայքարը գերմանական զավթիչների դեմ: Պայքարի մեջ էին ընդգրկվել ժողովրդական լայն զանգվածները բանվորական և գյուղացիական խավերից: ԲԿԿ, Հողագործական և «Զվենո» կուսակցությունների նախաձեռնությամբ հիմնվեց «Հայրենական ճակատի» միասնական հակաֆաշիստական կազմակերպությունը, որը

² Զ. Մ. Ղասաբյան, Ակնարկներ բուլղարահայ համայնքի պատմության, Երևան, 1986, էջ 152—153:

³ История на БКП, М., 1960, с. 353.

երկրի բոլոր հայրենասերներին, հակաֆաշիստներին, անկախ նրանց ազգային պատկանելությունից և քաղաքական ու հասարակական դիրքորոշումից, կոչ էր անում համախմբվել «Հայրենական ճակատի» շուրջ և պայքար ծավալել ֆաշիստական իշխանությունների և օտար զավթիչների դեմ: Հակաֆաշիստական պայքարին, ինչպես նաև խորհրդային ժողովուրդներին ու բանակին աջակցելու գործին նվիրվեցին բազմաթիվ անձնուրաց հայեր: Պայքարելով հիտլերյան զավթիչների դեմ, նրանք հանդուգն գործողություններ էին ձեռնարկում նաև բուլղարական ֆաշիստական իշխանությունների դեմ: Հերկոում և ոչնչացնում էին հիտլերական զորքերի պահեստները, գնացքները և նրանց հատկացված գործարանները: Հիտլերականների զորքերի քանակի, օդանավակայանների, ռազմական ուժերի տեղաշարժման մասին տեղեկություններ էին հավաքում և հաղորդում խորհրդային բանակի գլխավոր հրամանատարությունը: Թշնամուն բազմիցս հաջողվում էր հայտնաբերել ու ձերբակալել խիզախ մարտիկներին, որոնց նետում էին ֆաշիստական բանտեր ու համակենտրոնացման ճամբարներ:

1941 թ. ամռանը բուլղարահայ հակաֆաշիստական պայքարի կենտրոնական ղեկավարությունը ահաբեկում էր Վալթեր Մ. Դավիթյանը⁴ շրջում էր հայաշատ քաղաքներում և հաղորդում ստեղծված քաղաքական նոր իրադրության պայմաններում ԲԿԿ ԿԿ-ի և «Հայրենական ճակատի» կենտրոնական ղեկավարության կայացրած որոշումներն ու հրահանգները: Նա Պլովդիվում անցկացրեց խորհրդակցություն՝ 40-ից ավելի հայ հակաֆաշիստների մասնակցությամբ, որոնց մեծամասնությունը Նրիտասարդական շանվորական միության անդամներ ու կոմունիստներ էին: Խորհրդակցությունը որոշեց ուժեղացնել հակաֆաշիստական պայքարը, համախմբել բոլոր հայրենասիրական ու դեմոկրատական ուժերը, ակտիվորեն մասնակցել բուլղարական զինված դիմադրական շարժմանը:

1942 թ. Սոֆիայի ոստիկանությունը մի խումբ բուլղարացիների հետ հայտնաբերեց և ձերբակալեց Սրապ Նիրինյանին, Արմենակ Կալայճյանին և Գևորգ Զավուշյանին: Առաջինը մի խումբ կոմունիստների հետ ռազմադաշտային դատարանի կողմից դատապարտվեց ցմահ բանտարկության, իսկ երկրորդը՝ երկու տարվա ազատազրկման:

1941—1942 թթ. Սոֆիայի ռազմկոծումների պատճառով շատ հաճախ ընդհատվում էր կապը ինչպես «Հայրենական ճակատի» կենտրոնական ղեկավարության և հայ հակաֆաշիստական կենտրոնի, այնպես էլ համայնքի առանձին քաղաքներում գործող խմբերի ու կենտրոնի միջև: Դա առավել դժվարին էր դարձնում պայքարը, որովհետև հայ հակաֆաշիստական կազմակերպությունները ամբողջությամբ ենթարկվում էին «Հայրենական ճակատի» օկուպացիին, քաղաքային և շրջանային կոմիտեներին:

1942 թ. ձերբակալումներն ու համակենտրոնացման ճամբարներն ուղարկելը համատարած բնույթ էին ստացել: Ամենափոքր կասկածանքը որևէ անձնավորության նկատմամբ առիթ էր տալիս նրան ձերբակալել ու պատժել նորաստեղծ օրենքներով և հրամաններով, ընդհուպ՝ գնդակահարությամբ:

Նույն թվականին «Մեի քոյ» (Կրքստոպուլե) համակենտրոնացման ճամբարում էին գտնվում հայ կոմունիստներ Արտաշես Ասլանյանը, Գաբրիել Գաբրիելովը, Դավիթ Մ. Դավիթյանը, Կարապետ Մարգարյանը, Օնիկ Մարտիկյանը, Գևորգ Թոնկուլյանը, Թորգոմ Պոյաճյանը, Գրիգոր Հովհաննիսյանը,

⁴ Պատերազմի ժամանակաշրջանում ԲԿԿ և ԲԿՄ կից գոյություն չունեին փոքրամասնությունների բաժանմունքներ: Հակաֆաշիստական առանձին խմբակները գեկավարվում էին տեղական կոմիտեների կողմից, սակայն Սոֆիայում գործող բուլղարահայ համայնքի հակաֆաշիստների ղեկավարությունը կատարում էր կենտրոնական կոմիտեի դեր և անմիջական կապի մեջ էր «Հայրենական ճակատի» փոքրամասնությունների բաժնի հետ:

⁵ Архив на министерството на вътрешните работи София ф. К-610, ае К-8393, л. 5, 7.

նացնել: Առանձին հայ հակաֆաշիստներ, կոմունիստներ ու ռեմսիստներ գործում էին նաև Հասկովոյում, Շումենում, Պազարջիկում, Սիլիստրայի գոտիներում:

1942 թ. նոյեմբերին Պլովդիվի ոստիկանությանը հաջողվեց հայտնաբերել ու ձերբակալել բազմաթիվ հակաֆաշիստական խմբակների, որոնք անձնուրաց կատարում էին «Հայրենական ճակատի» բոլոր հանձնարարությունները, ներդնելով իրենց ուժն ու եռանդը ֆաշիզմի դեմ ծավալվող համաժողովրդական պայքարում:

Պլովդիվի ռազմադաշտային դատարանը քաղաքի երկրորդ շրջանում գործող 28 երիտասարդ հակաֆաշիստ ռեմսիստների դատապարտեց զանազան ժամկետների բանտարկության, որոնց շարքում էին Զոհրաբ Ղասաբյանը՝ հայկական խմբի քարտուղար, Ստեփան Թանդրյանը, Երամ Թադվոյանը, Նուպար Սարգիսյանը և Մինաս Պետրոսյանը: Վերջին երեքին դատարանը ազատ արձակեց:

1943 թ. ապրիլին Կոստանգին Բելշևի, Դիմիտր Գարշևի, Դիմիտր Զակալովի, Ցվյատկո Գագովի, Հրիստո Սերկելիևի, Լուդոլֆ Լևիի և ուրիշների հետ Զոհրաբ Ղասաբյանն ու Ստեփան Թանդրյանը (առաջինը դատապարտվել էր 15 տարվա բանտարկության, իսկ երկրորդը՝ 10) Պլովդիվի բանտից տեղափոխվեցին այդ տարիներին Բուլղարիային միացված Մակեդոնիայի (Հարավսլավիա) Սկոպիե քաղաքի մոտ գտնվող «Իդրիզովո» բանար¹¹:

1944 թ. օգոստոսին հարավսլավական պարտիզանները, հարձակում գործելով բանտի վրա, աղատեցին բոլոր բանտարկյալներին (մոտավորապես 460 հոգի՝ մեծ մասը մակեդոնացիներ, սերբեր, շերոգորցիներ): Նույն թվականի օգոստոսի 27-ին III մակեդոնական երիտասարդական պարտիզանական բրիգադին կից, ազատագրված 130 բանտարկյալներից կազմակերպվեց բուլղարական «Վասիլ Կոլարով» պարտիզանական ջոկատը: Զոկատը գնեբրալ Իլյիչի ընդհանուր հրամանատարությամբ III, Մակեդոնական և VIII Պրեշովյան բրիգադների հետ մասնակցեց Ռայկո Զենզիֆով, Դրաշևո, Սվետի Նիկոլա, Նեմանիցա և Մակեդոնիայի այլ բնակավայրերի ազատագրման համար մղված մարտերին: 1944 թ. սեպտեմբերի 16-ին ջոկատը, շտաբի զբլխավորությամբ բուլղարական սահմանի վրա կտրելով գերմանական ռազմադիրքերը, հարավսլավա-բուլղարական սահմանով մտավ Բուլղարիա¹²: Բուլղարական ժողովրդական իշխանության զորակոչով ջոկատի մարտիկների մեծ մասը I բանակի կազմում մեկնեց սովետա-գերմանական ռազմաճակատ: Այդ բանակը, 1944 թ. սեպտեմբերի 9-ից հետո, երբ խորհրդային բանակը մարտեր էր մղում Բալկաններում, գնեբրալ Ստոյչևի և մարշալ Տոլբուխինի ընդհանուր հրամանատարությամբ կռվում էր Ուկրաինական III ռազմաճակատի ձախ թևում՝ Հարավսլավիայի, Հունգարիայի և Ավստրիայի ազատագրման համար:

Մինչ խորհրդային բանակը մարտեր էր մղում Մոլդավիայի և Ռումինիայի տարածքում, Պլովդիվ քաղաքում ծանր, ընդհատակյա պայմաններում հակաֆաշիստական Դիմադրական շարժման մեջ էին ընդգրկվել բազմաթիվ հայ երիտասարդներ, որոնք շարժմանը մատակարարում էին զենք, պարեն և դրամական միջոցներ: Հայկական հակաֆաշիստական խմբակները ղեկավարում էին Տիրան Բարիկյանը, Կարո Ճինգոլյանը, Էդի Կարապետյանը, Հրանտ Նազարեթյանը: Խմբակներում գործում էին Կարո Ֆերենկյանը, Գասպար Գասպարյանը, Կարո Ուստայանը, Գևորգ Բարսեղյանը, Ժիրայր Հակոբյանը, Երամ Փաշոյանը և ուրիշներ: Պլովդիվի «Արծիվ» տոբիստական միության շարքերում գործում էին առանձին հակաֆաշիստական խմբակներ՝ Արա Մարուք-

¹¹ Пловдивски окръжен исторически архив МВР, наказателно дело № 73, 1943 г.

¹² В. Л. Зарков, Записки на политзатворника, София, 1959, с. 92, Или Т. Бочев, Революционния процес в България 1940—1944 гг., София, 1961, с. 147, Զ. Մ. Ղասարյան, նշվ. աշխ., Երևան, 1986, էջ 166:

յանի զեկավարությունը: Այդքի էին ընկնում հատկապես Սմբատ Պալյանը, Նուպար Աղտայանը, Վարդան Եմիշյանը, Մելինե Մարուքյանը, Օննիկ Մարուքյանը, Պլովդիվի տարբեր շրջանների հիմնարկ-ձեռնարկություններում գործում էին կոմունիստ-հակաֆաշիստներ Անտուան Դյուլգերյանը, Արթին Լուսինյանը, Սարգիս Այանյանը: Աղավնի Բաշմաքյանը և Վարդգես Ռուբենյանը ներգրավված էին հակաֆաշիստական մամուլի, կոչերի և թուղթիկների տպագրական սարքավորումների մատակարարման և կազմակերպման աշխատանքներում: Արա Մարուքյանը, Սարգիս Այանյանը և Սմբատ Պալյանը Երվանդ Աղամյանի զրեհական պիտույքների վաճառատնից կեղծ փաստաթղթերով ձեռք էին բերում մեծ քանակությամբ թուղթ, զրեհական պիտույքներ և ապակետիպ տպագրական մեքենա ու շրջանի ղեկավար Գերման, Գերմանովի միջոցով հանձնում Դիմադրական շարժման ղեկավարությունը: Տպագրական գործը Պլովդիվում կազմակերպվում էր Կարապետ Մարուքյանի տանը¹³:

1944 թ. Սոֆիայի ումբակոծումների պատճառով Բեկ կենտկոմի և «Հայ-րենական ճակատի» ազգային կոմիտեի բազմաթիվ անդամներ տեղափոխվել էին Պլովդիվ և ապաստանել մի քանի թաքստոց-բնակարաններում: Յուլա Դրազոյչեան, Անտոն Յուզովը, Լիլյանա Դիմիտրովան, Ալեքսանդր Դիմիտրովը, Ադալբերտ Անտոնովը և ուրիշներ որոշ ժամանակ թաքնվել են Արա Մարուքյանի և Աղավնի Բաշմաքյանի բնակարաններում¹⁴:

Երկրորդ համաշխարհային պատերազմի սկզբին բուլղարական ֆաշիստական կառավարությունը ճանապարհաշինական և ռազմական օբյեկտների կառուցման համար պարտադիր կարգով պարբերաբար օգտագործում էր «Նանսենյան քաղաքացիություն» ունեցող հայ երիտասարդների աշխատանքը: Զորակոչված հայ հակաֆաշիստներ Տիգրան Փեշտիմալճյանը, Գևորգ Բարսեղյանը, Հարություն Ներսեսյանը, արձագանքելով «Հայրենական ճակատի» ազգային կոմիտեի՝ «Համալրել պարտիզանական ջոկատները» կոչին, փախուստ տալով պարտադիր աշխատանքներից, մտան Սրեզնա դորա լեռան լանջերում գործող «Հրիստո Բոտև» պարտիզանական ջոկատի շարքերը¹⁵:

1944 թ. հունիսին Պլովդիվի ոստիկանությանը հաջողվում է հայտնաբերել հայ հակաֆաշիստներին և ձերբակալել մի քանի խմբակներ: Մոտավորապես 25 հակաֆաշիստներ, այդ թվում Արա Մարուքյանը, Աղավնի Բաշմաքյանը, էդի Կարապետյանը, Կարո Զինգոզյանը, Հրանտ Նաղարեթյանը, Անտուան Դյուլգերյանը, Սարգիս Այանյանը, Տիրան Բարիկյանը և ուրիշներ Պլովդիվի ռազմադաշտային դատարանի կողմից դատապարտվեցին տարբեր ժամկետներով ազատազրկման:

ՆՕՎԱ-ի VI գոտու մեջ էին Յամբուլ, Սլիվեն, Այտոս, Բուրգաս հայաշատ քաղաքները: Այս գոտու պարտիզանական ջոկատները և Դիմադրական շարժման մասնակիցները հիմնականում գործում էին Բալկանյան լեռնաշղթայի արևելյան մասում՝ Սլիվենի և Կոտելի լեռնալանջերում ու Սև ծովի ափերին: 1942 թ. Բուրգասի «Հալիբենական ճակատի» ադգային և օկրուգային կոմիտեները VI գոտու շտաբի հրահանգ են ստանում պարտիզանական ջոկատներ հիմնել Պոմորիեի, Այտոսի և Ստրանջա լեռան շրջաններում: Ընդհատակյա ծանր պայմաններում այդ աշխատանքներին են յծվում Լյուբեն Նիկոլովը և Օհան Բոստանճյանը: Վերջինիս հանձնարարվում է աշխատել Սարաֆովայի օդանավակայանում տեղավորված գերմանական շտաբում: Օ. Բոստանճյանը, տիրապետելով գերմաներենին, կարողանում է շահել Սև ծովի ափերին ռազմաշինարարական աշխատանքները ղեկավարող գերմանացի ին-

¹³ Կարապետ Մարուքյանը Արա և Օննիկ Մարուքյանների հայրն էր, որ որդիների ցանկությանը սեփական տունը վերածել էր նաև թաքստոց-բնակարանի՝ ֆաշիստական իշխանությունների կողմից հալածված և ընդհատակում գործող հակաֆաշիստների համար:

¹⁴ Զ. Մ. Ղ ա ս ա ր յ ա ն, Նշվ. աշխ., էջ 167:

¹⁵ Коммунист, 27. XI. 1965.

ժեններ Կոնցերի վստահությունը և պարբերաբար տեղեկություններ հաղորդել հիտլերականների խիստ գաղտնի փաստաթղթերի ու Բուլղարիայի մերձափնյա շրջաններում տեղաբաշխված գերմանական ռազմական ուժերի տեղաշարժերի մասին¹⁶։ Նա պատճենահանել էր ռազմական կարևոր օբյեկտների գծագրերը, որոշել էր Սև ծովի ափում ՆՕՎԱ-ի կամ խորհրդային բանակի զորամասերի դեպքում իջեցնելու հարմար վայրերը¹⁷։ Այդ բոլոր նյութերը Բուրգասի «Հայրենական ճակատի» օկրուգային կոմիտեի քարտուղար, կոմունիստ Ալեքսանդր Օբրետենովի միջոցով հանձնվում է խորհրդային բանակի գլխավոր շտաբին¹⁸։ Բոստանճյանը նաև ապաստան էր տալիս ոստիկանությունից հետապնդվող հակաֆաշիստներին։

Բուրգասում Ֆրանց Կալաճյանը և Հովհաննես Բակլավաճյանը եռանդուն մասնակցություն ցուցաբերեցին դիմադրական շարժման կազմակերպման և ընդլայնման գործին¹⁹։ Հ. Բակլավաճյանը «Հայրենական ճակատի» կոմիտեների ստեղծման ուղղությամբ բեղմնավոր աշխատանք ծավալեց Բուրգասի գիմնազիանների աշակերտության և ուսուցիչների շրջանում։ Նույնպիսի աշխատանքի էր լծված Բուրգասից ոչ հեռու Մոզոպոլ քաղաքում Ծրիտասարդական բանվորական միության քաղաքային կոմիտեի քարտուղար Խաչիկ Փիլաֆճյանը։ Նա բազմիցս աքսորվել է Բուլղարիայի ֆաշիստական իշխանությունների կողմից։

1942 թ. Բուրգասի հակաֆաշիստական-դիմադրական շարժման գործիչներից էր Մերի Գրիգորյանը։ Նա «Հայրենական ճակատի» Բուրգասի օկրուգային կոմիտեի քարտուղար Դիմիտր Պոպովի առաջարկով իր բնակարանը տրամադրել էր դիմադրական շարժման հետապնդվող մասնակիցներին։

ՆՕՎԱ-ի VI գոտու շտաբը գտնվում էր Յամբոլ քաղաքում։ Շտաբի անդամ Պանայոտ Կաբակաշանովի (ծածկանունը՝ Կարապետ) հանձնարարությամբ Հովհաննես և Հարություն Ալեքսանյանները իրենց սեփական տունը տրամադրում են ՆՕՎԱ-ի շտաբին, այն վերածելով թաքստոց-ապաստարանի։ Այստեղ կազմակերպվում է «Հայրենական ճակատի» օկրուգային կոմիտեի տպագրական գործը, պահվում է զենք ու պարեն։ Նույն բնակարանում ռադիոնի հանդիպում են Դիմադրական շարժման ղեկավարները։ Հովհաննես Ալեքսանյանը իրականացնում էր Յամբոլի և Սլիվենի կապը, փոխադրում Դիմադրական շարժման հրատարակվող մամուլը, կոչերը, պարեն և ռազմամթերք²⁰։ Յամբոլի բուլղարական գիմնազիայի աշակերտական շրջաններում ակտիվ աշխատանք էր կատարում Ներիկ Բանիկյանը՝ պրոպագանդելով Դիմադրական շարժման ծրագիրն ու նպատակները։ 1942 թ. Յամբոլի ոստիկանության կողմից ձերբակալվեցին հակաֆաշիստական պայքարի մի խումբ տնդամեններ, այդ թվում և Մելքոն Ինչեյանը։ Ռազմադաշտային դատարանը նրան ռադիկալությունից 10 տարվա ազատազրկման։

Սլիվենի քաղաքում Ծրիտասարդական բանվորական միության անդամ Դ. Գրգ. Փափաղյանը զենք ու պարեն էր տեղափոխում պարտիզանների համար։ Չենք տեղափոխելու ժամանակ ձերբակալվում է ոստիկանության կողմից։ Ռադիկալությունից ռատարանը մահապատիժը փոխարինում է 15 տարվա ազատազրկմամբ։ Այս քաղաքում Դիմադրական պայքարի գոծիչներից էին Աղնեմ Խուլյանը, Կարպիս Կյուրեղյանը, Աննիկ Փափաղյանը, Գրիգոր և Սըրբուհի Դավիթյանները։ Տարբեր հիմնարկ-ձեռնարկություններում Դիմադրական շարժմանը նյութաներ և այլ միջոցներով օժանդակել են Պետրոս Պատվականյանը, Ահարոն Խուլյանը, Հովակիմ Պաթմազյանը, Սիմոն Չանչյանը և ուրիշներ։ Ազնիվ Խուլյանը իր բնակարանը տրամադրել էր հետապնդվող մարտիկներին։ Նրա բնակարանում հաճախ ապաստանել են Դիմադրական

¹⁶ Черноморски фронт, Бургас, 15. VIII. 1968.

¹⁷ 50 години борба против капитализма и фашизма (1899—1944), София, 1964, с. 290.

¹⁸ Զ. Մ. Ղասարյան, նշվ. աշխ., էջ 169.

շարժմանը մասնակցելու համար հորհրդային Միությունից եկած զինծառայողներ, այլ անձինք: Ազնիվ հույանը բազմիցս ձերբակալվել է և խոշտանգումների ենթարկվել բուլղարական ոստիկանության եղմից:

Այտու քաղաքում էր գործում կոմունիստ, դիմադրական պայքարի կազմակերպիչ Վարդգես Սիրանոսյանը: 1942 թ. Այտուսի և Սլիվենի շրջաններում նա կազմակերպում է «Հայրենական ճակատի» կոմիտեներ: Վ. Սիրանոսյանը մեծ հարգանք էր վայելում ազգաբնակչության միջավայրում: Հնդհատակյա դժվարին պայմաններում նա բազմիցս ապահովել է ոստիկանության կողմից հետապնդվող «Հայրենական ճակատի» գործիչների գաղտնի անցումը հորհրդային Միություն: Նրա հոր տունը «Բյուլբյուլդերեն» վայրում եղել է թաքստոց հետապնդվող մարտիկների համար: Այնտեղ անցկացվել են Դիմադրական շարժման ղեկավար ընկերների ժողովներ և հանդիպումներ: Վ. Սիրանոսյանը Աթանաս Մանչևի և Միհայիլ Դոնչևի հետ գյուղերում հիմնել է պարտիզանական շարժմանն աջակցող կազմակերպություններ: Ոստիկանությունը բացահայտում է նրա գործունեությունը, ձերբակալում և խոշտանգումների է ենթարկում:

ՆՕՎԱ-ի X գոտում էր Վառնա հայաշատ քաղաքը՝ Սև ծովի ափին: 1941—1944 թթ. այստեղ գործում էին բազմաթիվ հայ կոմունիստներ՝ Բկկ շարքերում, շրջանային և օկրուգային կոմիտեներում, ինչպես՝ Կարապետ Խաչատրյանը, Հարություն Պողոսյանը, Թադևոս Բամբուկյանը, Օննիկ Մարտիկյանը, Թորգոմ Բոյաջյանը, Ժիրայր Սիմոնյանը, Տիտան Քանոնյանը, Լևոն Սողիկյանը, Կրոն Գավաֆյանը և ուրիշներ:

Վառնայի մի խումբ հայ կոմունիստների Բկկ օկրուգային կոմիտեն խնդիր էր առաջադրել Սև ծովի ափերին գտնվող հիտլերյան նավատորմի, օդանավակայանների և ռազմական ուժերի տեղաշարժերի մասին ստույգ տեղեկություններ հավաքել: Այդ ուղղությամբ մեծ աշխատանք կատարեցին Տիրան Քանոնյանը, Կարապետ Խաչատրյանը, Թորգոմ Բոյաջյանը, Ժիրայր Սիմոնյանը, Լևոն Սողիկյանը, Խմբակի ղեկավար Յորդան Դինևը: 1943 թ. Տիրան Քանոնյանը ձերբակալվում է, սակայն խմբակը շարունակում է պայքարը հիտլերականների դեմ:

Թորգոմ Բոյաջյանը սեփական լուսանկարչատունը և իր բնակարանը վերածում է հակաֆաշիստական մամուլի և զանազան կոչերի ու թուղթիկների տպագրման արհեստանոցի:

1944 թ. Վառնայի ոստիկանությանը հաջողվում է ձերբակալել «Հայրենական ճակատի» օկրուգային կոմիտեի անդամներ Ստանկո Ստոյանովին, Յանկո Կոստովին, Մարայամբի Դոնչևին, Յանկո Կարադյավուրովին: Նրանց հետ ձերբակալվում են Հարություն Պողոսյանը, Կարապետ Խաչատրյանը և Հակոբ Պարոնյանը: Ձերբակալվածները ջրահեղձ տրվեցին Սև ծովում¹⁹:

Նույն տարում մի խումբ բուլղար ընկերների հետ ձերբակալվում է Երիտասարդական բանվորական միության անդամ Գասպար Էքսերճյանը և ռազմադաշտային դատարանի կողմից դատապարտվում է տասը տարվա բանտարկության: Մի խումբ բուլղար կոմունիստների հետ աղատագրվում է Սարգիս Գաբրիելյանը: Վառնայից ոչ հեռու Դոնչև Զիֆիկ գյուղում ընդհատակյա հակաֆաշիստական Երիտասարդական բանվորական միության շարքերում 1938 թ. սկսած գործում էր Հակոբ Պողոսյանը: Նա 1940 թ. մտնում է Բկկ շարքեր: 1941—1943 թթ. ծառայում է բուլղարական բանակում և Մակեդոնիայի Պրիբլպ քաղաքի զորանոցում ծառայում է հակաֆաշիստական կոմունիստական գաղափարներ: Զորանոցի հրամանատարությունը բացահայտում է նրա գործունեությունը, ձերբակալում, խոշտանգումների ենթարկում և ծանր վիրավոր վիճակում նրան ուղարկում Բիտոլայի հիվանդանոցը, որտեղ և մահանում է 1944 թ. օգոստոսի 9-ին²⁰:

¹⁹ Коммунист, 3. XI. 1969.

²⁰ Երևան, Սոֆիա, 4. IX. 1979.

Ռուսի քաղաքի հայ կոմունիստներ և Երիտասարդական բանվորական միության անդամներ Տիրան Փափազյանը, Հակոբ և Կարո Մարգարյանները, Հայկ Բուկուճյանը, Տիրուհի Փափազյանը, Պետրոս Շամլյանը, Վարդգես Դյուլգերյանը, Հակոբ Սեմերճյանը և ուրիշներ Ռուսի «Հայրենական ճակատի» մի խումբ ընկերների հետ կազմակերպում են մարտական ջոկատներ ու պարտիզանական միավորներ: Այդ ջոկատներն ու առանձին խմբերը տարբեր ժամանակահատվածներում գլխավորում են նիկոլա Պոպովը, Աննա Վենտուրան, Ջորավիկո Չամպովը, Տիրան Փափազյանը, Հակոբ Մարգարյանը, որոնք զգալի աշխատանք են կատարում պարտիզանական շարժման ընդլայնման համար: Նրանց օգնում և ապաստան են տալիս Դիմադրական շարժման նվիրված հայրենասեր հակաֆաշիստներ Միսաք Վարդանյանը, Մարիա Թորոսյանը, Տիգրանուհի Պարոնյանը, Մարա Վարդանյանը, Սարգիս Պանտրմալանյանը, Ռուբեն Վարդանյանը և ուրիշներ²¹:

Հակոբ Մարգարյանի գլխավորած «Հողանակ» պարտիզանական ջոկատի մարտերից մեկում սպանվում են բազմաթիվ պարտիզաններ, իսկ ջոկատի հրամանատարը ընկնում է շրջապատման մեջ և ձերբակալվում: «Զերվենսկա» և «Հողանակ» ջոկատների ձերբակալված պարտիզանները ռազմադատարանին դատարանի կողմից դատապարտվում են տարբեր ժամկետներով բանտարկության, իսկ Տիրան Փափազյանը և Հակոբ Մարգարյանը՝ ցմահ բանտարկության:

Ռուսիի բուլղար և հայ աշխատավորությունը 1944 թ. սեպտեմբերի 9-ին առաջինը դիմավորեց և ողջունեց Բուլղարիա մուտք գործած խորհրդային բանակի առաջապահ զորամասերին: Նրանց շարքերում մարտնչող հայորդի ռազմիկները ջերմորեն հյուրընկալվեցին հայ հասարակայնության կողմից:

Գերմանական օկուպանտների և տեղական ֆաշիզմի դեմ ուղղված բուլղար ժողովրդի Դիմադրական շարժմանը մասնակցեցին նաև առանձին հայ հակաֆաշիստ-կոմունիստներ: Նրանք իրենց հանգուզն և խիզախ գործունեության համար ենթարկվեցին դաժան խոշտանգումների ու բանտարկության, տարբեր ժամկետներով: Այդպիսիներից էին Գրիգոր, Խաչիկ և Օննիկ Օհանյանները՝ Սվիյենգրադում, Հակոբ Մերկերյանը՝ Ստարա Զադորայում, Օննիկ Ղուկասյանը՝ Իսպերիհում, Թադևոս Օվանեզովը՝ Պլովդիվում, Գրիգոր Սինանյանը, Թորոս Օհանյանը՝ Պազարջիկում և ուրիշներ²²:

Այսպիսով, բուլղարահայ հակաֆաշիստ հայրենասերները իրենց լուծման ներդրեցին եվրոպական և համաշխարհային հակաֆաշիստական-դիմադրական պայքարի պատմության էջերում՝ տալով անձնուրաց հերոսներ:

1944 թ. սեպտեմբերի 9-ին Բուլղարիայում հաստատված «Հայրենական ճակատի» կառավարությունը որոշեց մասնակցել նաև պատերազմի վերջին՝ ֆաշիստական Գերմանիայի ջախջախման փուլին: Բուլղար ժողովրդի մասնակցությունը պատերազմին գերմանական զավթիչների և ֆաշիզմի դեմ 1941 թ. սկսված Դիմադրական շարժման շարունակությունն էր:

1944 թ. հոկտեմբերի 28-ին Բուլղարիայի, Խորհրդային Միության, Անդրիայի և Մեդիայի նահանգների միջև կնքվեց զինադադար: Խորհրդային Միության ոգնությունը Բուլղարիան կարողացավ պահպանել իր տարածքային ամբողջականությունը: Բուլղարական կառավարությունը պատերազմ հայտարարեց ֆաշիստական Գերմանիային²³: Ազատագրված Բուլղարիան դարձավ Հայրենական պատերազմի մասնակիցը:

²¹ Նույն տեղում, 2. IX, 6. X. 1979:

²² ЦДИА, ф. 284, оп. 1, ас. 8602, л. 2. *Със нас* Страница за геронте, Очерки за загиналите революционни борци от Стара-загорски окръг, София, 1969, с. 490.

²³ Զ. Մ. Ղասարյան, Հայ-բուլղարական բարեկամության պատմությունից, Երևան, 1978, էջ 72:

Հայտարարվեց ընդհանուր զորակոչ: Բուլղարական I բանակի շարքեր զորակոչվեցին 25—45 տարեկան քաղաքացիներ, այդ թվում նաև բուլղարական քաղաքացիություն ստացած բազմաթիվ հայեր:

Բազմաթիվ պարտիզանական ջոկատներ և Դիմադրական շարժման մասնակիցներ բուլղարական բանակի շարքերում մեկնեցին ռազմաճակատ: Նրանց շատերը նորաստեղծ բուլղարական բանակում նշանակվեցին քաղաքական կոմիսարներ: Բանտերից և համակենտրոնացման ճամբարներից ազատված բազմաթիվ քաղաքատարկյալներ, արձագանքելով «Ամեն ինչ ռազմաճակատի, ամեն ինչ հաղթանակի համար» «Հայրենական ճակատի» ազգային կոմիտեի կողմից, I բուլղարական բանակի զորաբաժիններում, III Ուկրաինական ճակատում գեներալ Ստոյչևի և մարշալ Տոլբուխինի անմիջական հրամանատարությամբ մասնակցեցին Հարավսլավիայի, Հունգարիայի և Ավստրիայի ազատագրման համար մղվող մարտերին:

Բուլղարահայերը ևս «Հայրենական ճակատի» ազգային կոմիտեի և դրա հայկական բաժանմունքի բոլոր ձեռնարկումների մասնակիցը դարձան: Նրանք թե՛ զորակոչված ղեղերում ու վաշտերում, թե՛ կամավորական վաշտերում աչքի ընկան Հարավսլավիայի ազատագրման համար Ստրացինում, Կրիվապալանկայում, Պլինյայում, Կոմանովոյում և Սկոպլեում մղված մարտերում: Հերոսի մահով ընկան Հովհաննես Գալփաքճյանը, Սարգիս Հովհաննիսյանը, Կարո Սեմերճյանը, Ուրբեն Ռուբենյանը և ուրիշներ:

1944 թ. նոյեմբեր-դեկտեմբեր ամիսներին Սկոպլեի գրավումով բուլղարական բանակի համար քվարտվեց պատերազմի առաջին փուլը:

1945 թ. հունվարին «Հայրենական ճակատի» բուլղարական կառավարությունը ընդհանուր զորակոչ հայտարարեց, համալրեց առաջին բանակի շարքերը, որը շարունակեց ֆաշիզմի վերջնական ջախջախման իր մարտական ուղին: Նորից զորակոչվեցին բազմաթիվ հայ երիտասարդներ: Նրանցից շատերը բալկանյան-դրավյան դիվիզիայի կազմում Դրավոսուրիչի և Դրավոպակոնիայի շրջաններում հերոսաբար մարտնչեցին հիտլերականների դեմ:

Իրենց ցուցաբերած խիզախության համար շատերը պարգևատրվեցին խորհրդային և բուլղարական շքանշաններով ու կրծքանշաններով:

1945 թ. ապրիլի 25-ին Սոֆիայի զինվորական հիվանդանոցում բուժվող մի խումբ հայ զինվորներ նամակ են ուղարկում տեղի «Նրեան» հայերեն թերթի խմբագրությանը, որտեղ գրված էր. «Մենք, կովելով մեր երկրորդ հայրենիքի՝ Պուլկարիայի համար, կոված եղանք նաև մեր սիրելի խորհրդային Հայաստանի համար: Նմանապես բոլոր ազատամիտ մարդկության նպատակը իրականացնելու համար, որը ամեն ջանք կը թափե օր առաջ ոչնչացնելու համար այն դադանը, գերմանական շովինիզմը, որը 6—7 տարիներ ի վեր մարդկության արյունը կը ծծե: Անկցի՝ ֆաշիզմը: Կեցցե՛ ազատամիտ մարդկությունը»²⁴:

Զորակոչված բուլղարահայերը բուլղարական բանակի տարբեր զորամասերում, III Ուկրաինական ռազմաճակատում (մոտավորապես 800 հայեր-դիմադրիներ) արիաբար մարտնչեցին՝ իրենց ավանդը ներդնելով բուլղար ժողովրդի Հայրենական պատերազմի հաղթանակի գործում:

Այսպիսով, թե՛ բուլղարական հակաֆաշիստական-գիմադրական շարժմանը մասնակցող և թե՛ բուլղարական բանակներում մարտնչող 1000-ից ավելի բուլղարահայեր պատվով կատարեցին իրենց պարտքը եղբայրական բուլղար ժողովրդի հանդեպ՝ նրկորդ համաշխարհային պատերազմի ժամա-

24 Երևան, 25. IV. 1945, Ստորագրողը և նամակ ուղարկողը Հակոբ Քուրդյանն է (Հովսեփ Զովանճյան), որը 1934 թ. հակաֆաշիստական դործունեության համար, խուսափելով ոստիկանության հետապնդումից, անցել էր Ռումինիա: 1940 թ., երբ հարավային Դորդուշան միացվեց Բուլղարիային, նա վերականգնեց իր բուլղարական քաղաքացիությունը՝ անունով և զորակոչվեց բուլղարական բանակ: Նա մասնակցել է Հայրենական պատերազմին: Շքանշանով պարգևատրվել է խորհրդային Միության պաշտպանության նախարարության կողմից:

նակ: Այդ հերոսները իրենց արյունով սրբազործեցին հայ-րուզարական դաշակը բարեկամությունը բռնությունների և օտար լծի դեմ մղվող պայքարում:

УЧАСТИЕ БОЛГАРСКИХ АРМЯН В ДВИЖЕНИИ СОПРОТИВЛЕНИЯ БОЛГАРСКОГО НАРОДА И В ВОЙНЕ ПРОТИВ ФАШИСТСКОЙ ГЕРМАНИИ (1939—1945 гг.)

Յ. Մ. ԿԱՏԱԲՅԱՆ

Резюме

Болгарские армяне принимали деятельное участие в движении Сопротивления болгарского народа. В антифашистской борьбе и в деле содействия Советской Армии приняли участие свыше 1000 болгарских армян—как в отдельных антифашистских организациях, так и в партизанском движении.

Армяне, вовлеченные в движение Сопротивления, не только принимали участие в организации и укомплектовании партизанских отрядов, но и разделяли все тяготы отечественного фронта, содействуя в доставке оружия, продовольствия и в оказании помощи болгарскому народу—в Софии, Пловдиве, Ямболе, Сливне, Айтосе, Бургасе, Варне, Русе, Хасково, Шумле и т. д.

Многие болгарские армяне пролили кровь в боях за освобождение Югославии, Венгрии, Австрии.